

# ASMAKIZUNAK

Bertsoa ulertzeari jarriko diogu oraingoan arreta osoa.  
Asmakizunetan jolastuko gara.  
Gero, gure bertso asmakizuna sortu genezake...  
Ezetz asmatu!





Josu  
Landeta  
Egurrola

Peru  
Vidal  
Gurrutxaga



## ESAMOLDEEKIN LOTZEN



Doinua:

*Azpeitiko neskatxak*  
Hiru puntuko koplak

Bertsolariek koplak bakoitzean egoera bat deskribatuko digute. Ea lotzen dugun egoera bakoitza pare-parera datorkion esamoldearekin.

### ESAMOLDEAK

-Berakatzak baino finagoa naiz  
-Begitan hartu nuen  
-Kale egin nuen  
-Zirt edo zart egin beharko dut

-Lekutan nago  
-Gogoz kontra ari naiz  
-Amaren gonapean bizi naiz  
-Aho bete hortz gelditu naiz

Lasterketan korrika  
nenbilela bitxi  
indarrik gabe nuen  
bide ertzean etsi  
faborito nintzen ta  
azkena iritsi.

Esamoldea

Nota onak izatea  
ez daukat hain errez  
kalera joan nahi nuke  
ibiltzeko barrez  
baina etxean ikasten  
nabil derrigorrez.

Esamoldea

Irakaslea oihuka  
a zelako gerra!  
Hari haserre bota  
nion berba okerra  
orain harentzat ez naiz  
konpainia ederra.

Esamoldea

Athletic izan dugu  
Championsen nagusi  
hori entzun eta ez  
dut flipatu gutxi  
horrelakorik ez dut  
sekula ikusi.

Esamoldea



Doinua:

**Bertsoak jarri dizkat**  
**Hiru puntuko koplak**

## ESAMOLDEAK

-Bakoitzak bere astoari egiten dio arre  
-Eskuzabal jokatu nuen  
-Ezta hurrik eman ere!  
-Geure esku dago

-Ez atzera ez aurrera gabiltza  
-Goian zerua eta behean lurra gelditu gara  
-Hara bestea!  
-Praketan kabitu ezinik nago

Txangora eraman arren  
motxila handia  
jatekoa ahaztu zuen  
hura bai egia.  
Pena hartuta eman nion  
otarteko erdia.

Klaseetan ez gara  
ibili erne gu  
lana entregatzeko  
ai, zenbat ernegu  
baina gura badugu  
egin dezakegu.

Atzo esan zidaten  
"ona zara, mutil!"  
eta ibili ordeztu  
apal eta umil  
paparra aterata  
harro-harro nabil.

Esamoldea

---

---

Esamoldea

---

---

Esamoldea

---

---

Asmakizunak



Doinua:

**Madalen Busturiko**  
**Hiru puntuko koplak**

## ESAMOLDEAK

-Esne mamitan bizi naiz  
-Asto izan eta mando bizi  
-Hitzetik hortzera erantzun diot  
-Izerdi patsetan nago

-Txakurraren biolina!  
-Hor konpon!  
-Galtzak bete lan daukat  
-Zer ikusi, hura ikasi

Goizean atera naiz  
etxetik hain apain  
gero eguzkipean  
egon naizenez zain  
kamiseta zeharo  
bustita dut orain.

Klaseko agenda dut  
zeharo beteta  
biharko bi lan egin  
behar ditut eta  
gainera etzi daukat  
hiru azterketa.

Bronkak ez ditut sarri  
baina bai laztanak.  
Ondo bizitzeko ez  
daukat inoiz lanak  
nahi dudana egiten  
uzten baitit amak.

Esamoldea

---

---

Esamoldea

---

---

Esamoldea

---

---



# PASA HITZAI!

Orain puntu bakarrean esango zaigu igarkizuna. Ea asmatzen dugun hitz ezkutua zein den. Adi belarria, eta kasu egin errimari... pista ona izango da eta!

**A** Taldeko animalia maite du **mendia**

A **ARDIA**  
A \_ \_ \_ \_ \_

**E** Arturorena harritik gogoz **aterata**

E \_ \_ \_ \_ \_

**H** Urtean hamabitan hasten den **tartea**

H \_ \_ \_ \_ \_

**B** Lanparari jartzeko led izan **dadila**

B \_ \_ \_ \_ \_

**F** Hor saltzen da gaixoen sendagai **guzia**

F \_ \_ \_ \_ \_

**I** Ugaztuna: igeri gu baino **hobea**

I \_ \_ \_ \_ \_

**D** Urre, zilar zein brontze beti **atsegina**

D \_ \_ \_ \_ \_

**G** Cupidok botaz gero pizten da **bizia**

G \_ \_ \_ \_ \_

**J** Kamiseta gaineko ta manga **luzea**

J \_ \_ \_ \_ \_

**K** Portuko txoria da lapurtzen **iaioa**

K \_ \_ \_ \_ \_

**O** Txerriki zoragarri odol eta **heste**

O \_ \_ \_ \_ \_

**U** Eguzkiari buelta osoa **ematea**

U \_ \_ \_ \_ \_

**L** Dutzatzean ispilua estaltzen **diguna**

L \_ \_ \_ \_ \_

**P** Gorputza zulatzea gaur moda **egina**

P \_ \_ \_ \_ \_

**Z** Hau lortzeko behar da laranja **odol-hustu**

Z \_ \_ \_ \_

**M** Euskal Herrian asko Popeye **bezela**

M \_ \_ \_ \_ \_

**S** Santurtzitik Bilbora datorren **arraina**

S \_ \_ \_ \_ \_

**N** Doraemonen ondoan sarri **ikusita**

N \_ \_ \_ \_ \_


**T** Patata ta arrautza nahaste **biribila**

T \_ \_ \_ \_ \_



# ERRULETA

Jolas honetan definizio bat edo pista bat emango da aldiro,  
eta guk asmatu egin behar dugu zein hitzi dagokion.  
Hitzaren bukaera emango zaigu: ea zenbat asmatzeko gai garen!




...ARA Euskaldunon hizkuntza.  
...ERA Zerbait jakin nahi duzunean ondokoari egiten diozuna.  
...IRA Denera, orotara.  
...ORA Aspertzen garenean astiro igarotzen da.  
...URA Zer aztertzen dute natur zientziek?  
...ARE Aurrez aurre, parez ...  
...ERE Baserrietako animalia.  
...IRE Bere, zure, ...  
...ORE Nola janzten zara?  
...URE Adineko gizon.  
...ARI Bertsoan aritzen dena.  
...ERI Ohean etzan egiten zara, eta aulkian?  
...IRI Euri txiki eta geldo.  
...ORI Hegoak ebaki banizkio, ez zen gehiago izango.  
...URI Idatzi gabeko folio bat nola dago?  
...ARO Pasa (zubia edo denbora, adibidez).  
...ERO Negu hasieran agertzen den pertsonaia ezaguna.  
...IRO Poliki.  
...ORO Gauza bera behin eta berriz errepikatzen du.  
...URO Ordu guztietan.  
...ARU Garesti (Bizkaian).  
...ERU Ekuadorren azpian...  
...IRU Arropa gordetzeko leku.  
...ORU Hanken azpian duzu.  
...URU Liburutegian aurki dezakezu.



# ERRULETA EROA

Jolas honetan definizio bat edo pista bat emango da aldiro, eta guk asmatu egin behar dugu zein hitzi dagokion.

Hitzaren azken bokalak emango zaizkigu. Ea denak asmatzeko gai garen!





A\_\_A Nora begiratzen du amak leihotik?  
E\_\_A Kattalin Hodeiren arreba bada, Hodei Kattalinen ... da.  
I\_\_A Gu bagina, eta haiek...  
O\_\_A Erakusleihoetan ikusten dugu aurtengoa zein izango den.  
U\_\_A Lehenengo txirrindulariak besoak igota zeharkatu du.  
A\_\_E Ez dauka lotsarik.  
E\_\_E Mesedez eskatzen duzu.  
I\_\_E Ikerketak ezkutuan egiten ditu.  
O\_\_E ... da oinez eta seguru, eta ez zaldiz eta zulora.  
U\_\_E Ni nago, zu zaude, haiek...  
A\_\_I Erne.  
E\_\_I Behar baino gehiago.  
I\_\_I Ez herri, ez auzo.  
O\_\_I Gizen.  
U\_\_I Fruta gorri.  
A\_\_O Ni nago, zu zaude, bera...  
E\_\_O Urte guztietan.  
I\_\_O Behera jaitsi egiten gara, eta gora?  
O\_\_O Hegan egiten du baina ez da hegazkina.  
U\_\_O Arte martzial.  
A\_\_U Katua atzetik du.  
E\_\_U Urtaro bat.  
I\_\_U Ordaintzeko erabiltzen duzu.  
O\_\_U Era.  
U\_\_U Lepo gainean duzu.



Unai  
Ormaetxea  
Zenikazelaia



## EZETZ ASMATU

Urtaroei jarritako bertsoak hara, doinu berrietan.  
Ea asmatzen dugun zein urtaro den bakoitza: udaberria, uda,  
udazkena, negua.  
Eta azken bertsoa, guztiak biltzen dituen, zer ote da?

Badoa eguzkia  
zain dago **euria**  
trasterora txirringa  
toalla, **buggya**...  
Ikasturte berrien  
gorputz **urduria**  
bete dugu liburuz  
motxila **erdia**  
hostoak jausten doaz  
eguna gau **ia**  
Gabonak heldu arte  
zaindu **ipurdia**.

Zein urtaro da?

Udazken koloreak ja  
joan dira **parketik**  
umoreak ere gehiago  
dauka zuri-**beltzetik**  
Olentzero noiz etorri  
tik-tak-tok ta tok-**tak-tik**  
zaindu gorputzak ta estali  
eztarriak **hotzetik**  
ez dugu egingo eta  
urte osoa **arotik**  
elur-bolekin jolasten  
ikasi **dugunetik**.

Zein urtaro da?

Berriz orlegi zelai-mendiak  
berriz irrien **laguna**  
Aste Santuko oporren mezu  
eta argazki **bilduma**  
noten arduraz baina tira  
bukatzear da **jarduna**  
goizean goizik kantatzea  
da ondoen **datorkiguna**  
horren loredun, horren ezteundun  
gauak sortu du **eguna**.

Zein urtaro da?

Bat, bi, hiru, lau, bost, sei eta zazpi  
zazpi eguzki **printza**  
txoriek do, re, mi, fa, sol, la, si  
guk jar dezagun **hitza**  
beroa zakar, hondarrak hondar  
lagun berrien **ditxa**  
oporak opor gauak gaua zor  
agur gelako **fitxa**  
ze polita den olatu batek  
biribiltzea **bizitza**.

Zein urtaro da?

Zein da orduan udazkeneko  
orbelaren **kolorea**?  
Edo neguko elur pilotak  
zer ote dauka **gordea**?  
Irriak berez, ernaltzen al du  
udaberriko **lorea**?  
Ta udak nola pausa dezake  
hondarretan **umorea**?  
Hirurehun ta hirurogeita bost  
eguneko **ohorea**  
zugan ta zeure egin ezean  
ez du balio **ordea**.

Lau urtaroak biltzen dituen,  
zer da?